

لكل امرئ ما نوى

أحمد سمير

السلام عليكم ورحمة الله وبركاته الدرس الخامس من آآ سلسلة اغتنام اوقات الطاعة الدرس اللي فات كنا ابتدينا في حديث انما الاعمال بالنيات. اه عشان بس يا جماعة نفهم احنا بنعمل ايه - 00:00:01

السلسلة دي سلسلة دروس. قبل رمضان استعدادا لرمضان والغرض منها ان احنا نفهم شوية قواعد في طريقنا الى الله عز وجل. يعني قواعد ما ينفععش اسيء الى الله عز وجل من غير ما تكون فاهمها - 00:00:20

آآ فخدنا شوية قواعد كده بقى مش هعيمدها يعني اللي عاوز يراجعها في الدروس اللي فاتت آآ النهاردة هندي قاعدة جديدة لكن لها ارتباط بدرس المرة اللي فاتت. احنا المرة اللي فاتت ابتدينا - 00:00:37

لو ادinya قاعدة آآ هي انما الاعمال بالنيات واتكلمنا عن خطر الاخلاص. النهاردة هنبدلي في قاعدة جديدة وهي قول النبي صلى الله عليه وسلم. وانما لكل امرئ ما نوى. طبعا الجملتين دول جم وراء بعض في حديث - 00:00:51

هو اصل من اصول هذا الدين. حديث عمر انما الاعمال بالنيات وانما لكل امرئ ما نوى. فمن كانت هجرته الى الله ورسوله فهجرته الى الله ورسوله. ومن كانت هجرته لدنيا يصيبها. او امرأة - 00:01:05

فهجرته الى ما هاجر اليه الحديث متفق عليه اتكلمنا المرفكت عن اه لو تفتقروا بسرعة كده في اقل من دقيقة. احنا قلنا ان النية يتكلم عنها نوعين من العلماء النوع الاول هم الفقهاء. ولو الفقهاء اتكلموا عن النية فيتكلموا عن النية من حيثيتين. الحيثية الاولى النية التي تفرق - 00:01:15

العبادة عن العادة والحيثية الثانية هي النية التي تفرق العبادات آآ بعضها عن بعض وقلنا دول مش هتكلم عليهم خالص في الدروس بتاعتنا الناحية الثانية بقى علماء التزكية والتربية والاداب والسلوك الى غير ذلك من المسميات - 00:01:37

هذه الفئة من العلماء لما يبيجووا يتكلموا عن النية من تلات آآ اووجه او في ثلاثة مباحث. المبحث الاول الاخلاص ودي اتكلمنا عنها المرة اللي فاتت في قول النبي صلى الله عليه وسلم انما الاعمال بالنيات. ناقص مبحثين ما جبناش سيرتهم المرة اللي فاتت. قلناهم صحيح لكن ما اتكلمناش عنهم - 00:01:53

وقلنا لهن دول عشان نتكلم عنهم الكلام عنهم قليل. لكن لازم يبقى في مقدمة كبيرة اللي هم ايه بقى ان هم يتكلموا عن النية من حيث ان تنويع الخير او تنويع - 00:02:11

ما تتاب عليه في المباحث ده مبحث ما تكلمناش عنه المبحث الثاني ان انك تنويع اكتر من نية في آآ اعمال الطاعة اعمال البر المحسنين دول بقى عشان نتكلم عنهم في مقدمة لازم نتكلم عنها. تاني يا جماعة الاول يعني ايه؟ يعني مسلا واحد بيأكل واحد بيشرب واحد بيبنام دي اعمال دي عادات اعمال - 00:02:24

مباحة يعني مباح انك تنا مباح انك تأكل. مباح انك تشرب اه انما آآ ممكن تنويع في هذه المباحث نوايا تتاب عليه ده اول معنى الثاني ان العمل اللي هو في اصله عبادة وطاعة لله عز وجل زي مسلا انك تروح للمسجد انك مثلا تزور ابوك وامك - 00:02:49

باعمال طاعات اصلا ازاي بقى تقدر تنويع او او احنا نتكلم او العلماء يتكلموا على انك تنويع اكتر من هي في العمل الواحد لكن عشان نفهم دي اصلا العلماء اتكلموا في دي وليه الصحابة كانوا بيعملوا دي ومن اتنى بعدهم حتى الكلمة المشهورة - 00:03:14 آآ ونسمعها كتير ان هم كانوا تجار نوايا وتجار نوايا لازم نفهم هم اللي عملوا ده اصلا عشان نفهم ده يا جماعة لازم نفهم قيمة الوقت

هي القصة يا جماعة. القصة ان في حاجة اسمها وقت والوقت ده محدود جدا - [00:03:33](#)
وعلشان تستفيد من الوقت ده او تأخذ منه اكبر قدر من الاستفادة لازم تعمل الحاجتين دول وعشان كده هتجدوا ان الاسلام اه وضح
وبين اهمية الوقت في القرآن وفي السنة - [00:03:50](#)

مش عاوز ادخل في الحنة دي ليه؟ لأنها يعني موجودة كتير وہتسمعوها كتير في اماكن كتير وازاي ان ربنا سبحانه وتعالى اقسم
بالوقت في اكثر من اية والفجر وليل عشر والضحى والليل اذا يغشى والعصر - [00:04:08](#)

قسم منه سبحانه وتعالى في كل ذلك بالوقت او يعني طائفة معينة من الوقت آآ وازاي النبي عليه الصلوة والسلام ايضاً نبه على اهمية
الوقت وقال نعمتان مغبون فيها كثير من الناس الصحة والفراغ. الى اخر ذلك من الاحاديس وهنأته عليها ربما يعني عرضاً لكن مش
ده موضوع الاصل الاساسي او مش ده موضوع الاصل - [00:04:22](#)

اما انا عاوز اتكلم في ايه عاوز اتكلم هم ليه حسوا باهمية الوقت واحنا مش حاسين باهمية الوقت؟ الموضوع ده يا جماعة بقى
مرعب جداً تعالى كده تخيل ان وقت حضرتك هو رأسه ما لك وده مش تخيل ده هو دي الحقيقة. انت وقتك هو رأس مالك -
[00:04:48](#)

الوقت ده اللي انت تحصل فيه الخير تحصل فيه الثواب هو راس مالك وده شيء لو فكرت فيه هتلاقيه مقلق جداً. ليه لأن رأس المال
ده اللي بتخسرهوا منه ما تعرفش تجيئه تاني - [00:05:07](#)

متخيل يعني لو حضرتك راس مالك فلوس لو معك الف جنيه كسبتها تقدر تعوضها وتحبيب الف جنيه غيرها انما النهاردة لو فات وجه
بكرة فالنهاردة اللي فات ده ما تعرفش ترجعه تاني - [00:05:26](#)

فكري دي عشان تفهم قد ايه احنا في خطر ولما تفكري في دي بقى تفهم قول الحسن عليه رحمة الله له ما من يوم الا وينادي يا ابن
ادم - [00:05:43](#)

انما انا خلق جديد وعلى عملك شهيد. اذا ذهبت فلن اعود الى يوم القيمة فاغتنمني معنى عميق اذا ذهبت لن اعود الى يوم القيمة.
لو خسرتني مش هتلاقيني تاني وتفهمهم هم ابن مسعود رضي الله عنه لما كان يقول - [00:05:56](#)

ابن مسعود له قول كده عاوز اقراه لكم بيقول ايه؟ ما ندمت على شيء ندمي على يوم غربت شمسه نقص فيه اجل ولم يزدد فيه
عمل الكلمات دي لما تفهم المعنى اللي انا قلته من شوية تبتدئ تستوعب الناس دي بتقول كده ليه - [00:06:20](#)

ابن مسعود يا جماعة ما فيش حاجة بيندم عليها في حياته ندموا على يوم فات شمس وغربت نقص الاجل فيه وما ازدادش فيه عمل
طب ليه المفروض بيعمل كده ؟ عشان فهم المعنى ده - [00:06:40](#)

معنى ان اليوم اللي بيعرفو مش هتتعرف تجيئه تاني. راس مالك اللي بتخسره ده ما لهوش عوض اذا ذهبت فلن اعود الى يوم القيمة
ولذلك تلاقي بقى اقوال السلف كتيرة جداً في حنة الحرص على الوقت وكذا لكن قبل ما ادخل على اقوال السلف - [00:06:53](#)

انا عاوزكم بقى تعيشوا الحالة اللي المفروض نعيشها كلنا علشان تحسوا بمدى يا جماعة يعني مدى الخطورة اللي احنا فيها كلنا مش
هندخل في معاصي وفي غفلات. لا اليوم اربعة وعشرين ساعة - [00:07:13](#)

واللي هيفوت مش هيرجع تاني حضرتك لوبني ادم طبيعى حضرتك تلت اليوم بتقضيه نوم تمن ساعات تلت اليوم نوم يعني
بحسبة بسيطة تلت عمرك نوم لو حضرتك مسلا هتعمر لغاية ما توصل ستين سنة - [00:07:32](#)

وحضرتك نايم عشرين سنة ده انت لوبني ادم طبيعى يعني اللي هو الناس اللي في المتوسط بيناموا كده. في ناس بقى بتنم
باكتتر من كده. في ناس بتنم اقل. لكن خلينا في المتوسط - [00:07:55](#)

تمن ساعات يعني تلت اليوم اربعة وعشرين على التمامية فيها ثلاثة يعني بحسبة بسيطة تلت عمرك نايم عشرين سنة او عى تعيش
ستين سنة فانت عشرين سنة نايم خلاص فوت اول عشر سنين لغاية ما تبلغ مسلا يعني البلوغ بيبقى بعد كده بشوية لكن هنقول
عشرين سنين في الاول يفوتوا. ماشي؟ طبعا العشرين داخل منها شوية في العشرة برضه لكن يعني تقريباً - [00:08:09](#)

خمسة وعشرين سنة لثلاثين سنة من عمرك رايحين يعني نص عمرك رايح ويتبقى لك تلاتين سنة طلع من التلاتين وقت

اكلك وشريك وانعماسك في المباحثات. انا ما بقولوش حرام - 00:08:36
ما بقولوش انك تعمل حرام. لأننا بقول المباحث اللي هو اكل شرب قاعد مع عيالك قاعد مع مراتك بتتفسح مع اصحابك وفي الوقت
ده انت بتعمل الطاعات يعني مش مش مفوت الصلاة لا لا - 00:08:59

انت راجل بتعمل الطاعة تلاتين سنة رايحين في الاول خالص اهو لغاية ما بلغت وبعدين تلت عمرك نايم. وبعدين وقت المباحثات اللي
هو قد ايه في يومك؟ بتروح شغل وده شيء مرعب تاني. يعني تخيل كده حضرتك احنا قلنا يعني قبل بقى معلش هنرجع وراء سنة
كده - 00:09:13

احنا قلنا تلت عمرك وعشرين عليهم تلاتين سنة يعني نص عمرك لو انت تعيش ستين سنة رايح طيب تعال بقى من بعد ما بدأ
لسه طالب فبتروح مدرسة وترجع من المدرسة تاخذ دروس - 00:09:33

وتقعد تعمل واجباتك وبعدين خلصت دخلت جامعة نفس القصة خلصت جامعة ورحت شغل هنقول يا سيدى الشغل طبعا غالبا
الشغل دلوقتي من تمانية لاربعة بتتكلم في تمن ساعات. هنقول زيه وانت في المدرسة والجامعة وان كان ده بيكون اكتر زيه -
00:09:46

معناه ان التلت تاني من عمرك رايح يا جماعة انا مش عارف انتم مدركيين اللي احنا بنتكلم فيه احنا بنتكلم في نص عمرك رايح.
نوم ولغاية البلوغ تلاتين سنة - 00:10:04

عمرك الثاني رايح للدراسة وشغل اللي هم عشرين سنة كمان خمسين سنة من ستين انتم فاهمين يا جماعة انتم يعني انا مش
عارف انتم حاسين ان انا يعني المعنى اللي عاوز اوصله ده شيء مرعب - 00:10:18

شيء مرعب ان خمسين سنة من ستين سنة حضرتك هتعيشهم رايحين في ايه في المباح؟ انا ما قولوش حرام. ما بقولوش
مكروه عارف هو حد يعني حضرتك معك مليون جنيه - 00:10:37

ورحت جاي على تسمعيت الف جنيه اشتريت بهم باللين ما مشتش مخمرة ما ما اشتريت بهم آآ يعني ما فجرتش لأ بس خدت
تسمعيت الف جنيه ورحت اشتريت بهم باللين - 00:10:55

عشان بهم شيكلات ايهرأيك حضرتك خمسين سنة مين الستين اشتريت بهم بلاغ من ويتزاكر وبتشتغل بقالك عشر سنين العشر
سنين دول بقى متوزعين على طاعة موزعين على حرام وعلى مكروه. والطاعة دي لو دخلنا في تفاصيلها شوية ونرجع للدرس اللي
فات اللي فيه الاخلاص والرياء. فالطاعة دي قد ايه منها كان فيه اخلاص وقد ايه دخل - 00:11:09

شابه الرياء. قد ايه كنت مركز فيه وقد ايه كنت سرحان قد نخش في تفاصيل كثير او في فكرة يعني الكلام ده يا جماعة يعني
امتداد ويلمس قوي في درس لن ينجي احدا عمله - 00:11:44

ابتدت الصورة توضح قدامنا دلوقتي يعني لولا رحمة ربنا بنا فين عملك اصلا اللي ينجي؟ عملت اللي ينجي طيب ابتدينا نحس ونقلق
قلقاني دلوقتي انا عشت ستين سنة فانا بتكلم في قاعة اقل من عشر سنين - 00:11:59

اقل من عشر سنين خلي بالكم يا جماعة. انا ما دخلتش وقت الغفلات يعني ده راجل بينما تمن ساعات وبيشتغل تمن ساعات فبيقاله
تمن ساعات في يومه. قد ايه بقى قاعد على الفيسبوك وقد ايه قاعد على سوشيال ميديا وواتساب والكلام ده؟ انا ما دخلتش في
التفاصيل دي اصلا - 00:12:20

ما دخلتش فيسائر المباحثات لازم قلنا بقى بس ايه يعني سقطناها انك بتخرج مع اصحابك وانك تقعد مع مراتك وتقعد مع عيالك
وما دخلتش سعر المباحثة فانت ممكن تلاقي نفسك آآ حياتك آآ صفت على سنتين ثلاثة - 00:12:39

انت متخيل الرعب اللي احنا عايشين فيه طيب فهمنا ده وابتدينا نقلق من حته الوقت ومن حته اني انا هقابل ربنا بايه لما بتبني
تقلق بقى تبني تستحضر المعنيين التانين - 00:12:57

اللي هتكلم عليهم النهاردة احنا قلنا علماء السلوك الاداب التزكية التربية بيتكلموا لما يتكلموا عن النبي بيتكلموا عن تلات معاني معنى
الاخلاص والرياء اتكلمنا عليه المرة اللي فاتت بقى معنيين - 00:13:17

وبيلفوا عليهم جدا وبيتكلموا عليهم في الكتب فما تستوعبesh اه يا عمي هو ايه لازمة الكلام ده؟ ابتدت دلوقتي تفهم معناه بيقول لك خلي بالك انت لازم في المباحثات تتوى الخير - 00:13:28

ولازم مش لازم يعني يجب يعني ينبغي عليك ان تفعل ذلك. انك تتوى في المباح نية الخير وان تكون من النوايا في اعمال الطاعة ليه ؟ لأن هي دي دنيتك - 00:13:39

انت دنيتك لو المباح راح فتلتنينا راح. احنا بسم الله الرحمن الرحيم احنا بنتكلم في المباح اللي ما ينفعش نستغنى عنه اللي هو نوم ودراسة وشغل ما دخلناش في اكل وشرب والقصص دي يعني ما فيش حد ما بينامش. هنقول يا عم هتأكل ربع ساعة في اليوم كله يلا زي ما مش هنحسب وقت الاكيل وشرب اصلا - 00:13:52

هنتكلم في علوم ودراسة وشغل. تلتين عمرك راح وعشر سنين في الاول لغاية ما تبلغ افتراضاً لو هيبلغ يعني من عشر سنين وجاب له بعد كده. فانت بتتكلم في خمسين سنة - 00:14:14

لو ما نوتش الخير في المباح يعني ايه بقى المخالف المكافح؟ وهل ده له اصل في الشرع؟ ما هو ما هو طب يعني حاجة بالرعب ده. هل معقوله ربنا سابنا كده ما - 00:14:24

ما نبهناش ان احنا نعمل ده يعني لا يا جماعة فيه تنبئه في الشرع على المعاني دي يعني انك تتوى الخير في المباح هو النبي عليه الصلاة والسلام لما قال - 00:14:36

وفي بعض احديكم صدقة الفرج انك تأتي زوجتك وده من العادات يعني يعني لو خلا عن النية لكان مباحا هنا النبي عليه الصلاة والسلام بيسير لمعنى ان انتبهوا العادات ما تفوتتش كده عليكم - 00:14:47

وفي بعض احديكم صدقة حتى الصحابة استغربوا. قالوا يا رسول الله يأتي احدنا شهوته ويكتب له اجر. قال ارأيتم من وضعها في حرام اكان عليه وزر؟ قالوا نعم. قال كذلك - 00:15:05

وضعها في حلال كتب له اجر اه انا بس اللي عامل اسمه نقطة يغير اسمه بعد ازنك يعني ده انا محتاج منكم اللي عامل اسمه نقطة يغير ان شاء الله نقطتين ثلاثة اي حاجة بس ما حدش يسيب اسمه نقطة واحدة بعد ازنك يعني - 00:15:15

بس دققة عشان حاجات يعني ادارية كده يعني ممكن نقطتين او ثلاثة براحتكم لكن بلاش نقطة واحدة اه كنت بقول ايه بقى اه فصلت اه طيب ابتدى بقى انا مش فاكر صلاح كنت وقفت فين - 00:15:34

اه اه كذا بنقول ان الشرع النبي عليه الصلاة والسلام نبهنا على المعنى ده. يعني انك تتوى الخير في المباح الخير وقال وفي وضع احديكم صلاة وهتلاليه بقى كتير يعني تبسمك في وجه اخيك صدقة - 00:16:06

انك تضحك في وش اللي بتقابله دي عادة ان واحد بيقابلك في عادة يعني انا متغودة اما اشوفك اضحك فالنبي نبهك لأنوبي بها الخير فتبسمك في وجه اخيك صدقة - 00:16:23

ده معنى هتلاليه برضو بيصب في الحنة دي ياه ايه تاني ؟ حتى اللقمة يضعها في زي امرأته. قاعد مع مراتك على الاقل فاديتها اللقمة في بوقها من حسن المعاشرة عادة عند الناس - 00:16:37

ان واحد يأكل الشخص اللي بيعزه او بيحبه لأ النبي عليه الصلاة والسلام يقول لك تاخذ بها الشواب لو نويت الخير مع انها في الاصل عادة فاهمين يا جماعة؟ وده كتير في الاحاديث. يعني تتبعوا ده في الاحاديث هتبتدوا بقى تفهموا - 00:16:53

المعنى يعني خلوها كده ايه تحت المظللة الكلية دي ايه ده! ده النبي لما قال كده ده عاوز ينبهنا لمعنى اكبر. اكبر من مجرد التبسم واكبر من مجرد وضع اللقمة في في المرأة اكبر من من ده. اللي هو ايه - 00:17:10

اللي هو عمرك ما يروحش كده في مباحة لأ مفهوم يا جماعة طيب الشغل الشغل اللي انت بتروح تشتبهله ده الشغل ده بقى عجيب جدا لنقوم به صح كده؟ والنبي عليه الصلاة والسلام نفس الكلام انا مش مش ده اللي عجيب عشانه بس هنقول لكم ليه عجيب - 00:17:24

النبي عليه الصلاة والسلام نبه على مسألة الشغل وكأن يا جماعة ما هو ما ينفعش يبقى تلت عمرك رايح في حاجة شبه كده والنبي

يسيبها برضو عليه الصلاة والسلام هيقول لك ايه - 00:17:45

يقول لك كسب بالمرء اثما ان يضيع من يعول في رواية ان يضيع من يقوت. طب انا عشان ما اضيعش عيالي اعمل ايه؟ لازم اشتغل.
فاحذر كذلك ان من الذنوب - 00:17:56

ذنوبا لا يكفرها الا السعي في ذنوب ما يكفرها الكش غير انك تسعى على عيالك شف النوايا دي لو حطيتها في المباح بقى يبقى
حضرتك من تمانية الصبح لاربعة العصر بتاخذ حسنات بعد ما كنت بتروح الشغل - 00:18:07

من تمانية الصبح لاربعة العصر وساعة قبل بتحضر وساعة بعد بترجع لبيتك في الهوا باللين بتشتري باللين الله يصاحبنا اللي اشتري
بتسمعه الف جنيه باللين ده لأن النبي عليه الصلاة والسلام بيقول لك انت بس حط نية ان ده عشان ما تضيعش من تقد - 00:18:25

ان ده عشان تكرر لك ذنوبك. ذنوب مش هيكلها غير ده اليد العليا خير احب الى الله من اليد السفل الى غير ذلك من المعاني اللي
ممکن تحطها في الحلة دي - 00:18:42

طب ليه الشغل ده عجيب بقى انه لو خلا من النية يبقى اسمه تهريج لعب الشغل اسمه لعب اه انت عارفين في الدنيا لما واحد يبقى
من البيت للشغل مش شغل البيت يقولوا ده راجل ايه! ده راجل جد - 00:18:56

صح ده راجل جد ما لوش في اللعب ما لوش في الهزار ده من البيت لشغل البيت اهو الرجل الجد ده حضرتك ربنا سماه انه بيلعب
ربنا سبحانه وتعالى قال افأمن أهل القرى إن يأتيهم بأنسنا بياتا - 00:19:11

وهم نائمون او اوامن اهل القرى ان يأتيهم بأنسنا ضحي واقف هنا شوية عارفين وقت الضحى ده يا جماعة وقت الضحى بعد
الشروق مسلا بتلت ساعة بيتدى وقت الضحى يعني دلوقتي هو بتاع سبعة الصبح كده مسلا - 00:19:25

دلوقتي ده بداية وقت اه يمتد لامتنى بوقت الضحى؟ لغاية قبل الظهر بشوي والعشر دقايق ولا لأن ده وقت الضحى لغة العرب
الوقت ده وقت ايه دلوقتي الشغل ربنا قال ايه بقى - 00:19:46

وامن اهل القرى ان يأتيهم بأنسنا ضحي وهم يلعبون افأمنوا مكر الله عمرك ركزت في العجل؟ الكثير لما جه عند ليلة دي وامن اهل
القرى يأتون يبنسون ضحي وهم يلعبون؟ قال ايه في حال شغولهم وغفلتهم - 00:20:04

اهي رأيك بقى يعني الرجل اللي من البيت للشغل ومن شغل البيت ده بيعمل ايه؟ ده بيلعب لا مش جد ده مش بيشتغل ده بيلعب
ده بيلعب ده واحد بيضيع حياته. واحد خد راس ماله وراح اشتري به باللين - 00:20:24

ده بيلعب لما يبقى راجع عشان ينام تمن ساعات تسع ساعات عشان يقوم تاني يوم فيشتغل ويطلع آآ ويترقى ويأخذ البونص ويزيد
علاوة ده ده بيلعب عجيب قوي موضوع الشغل ده. شوفوا النية خدته من اللي فين من انه لعب وتهريج - 00:20:43

انه اسامه علي ويكرر ذنوبك. بالعكس ده هيكلها حاجة غيره تكررها فلذلك يبقى ده احنا ابتدينا ده في ايه؟ ان ازاي
الشرع يسيب حلة زي دي ما ينبهش عليها ويقول لك لا ده انبه عليه - 00:21:12

واديتك امسلة وفي امسلة زي دي كتير في السنة ولما تسمعوا بتتدى بقى تفهم ويعني ايه تندوتها بشكل مختلف وتحطها في سياقها
العام ان النبي هنا بينبهك لمعنى اكبر من مجرد الحديث - 00:21:31

ينبهك لمعنى انك ما تضيعش عمرك نبهت لمعنى انك ما تضيعش عمرك. ولذلك هتجدوا ان السلف عملوا ده يعني لم يقل احدهم اني
لاحتسب نومتي كما احتسب قومتي يعني ايه؟ هو انا رايج انام؟ اه دي حاجة تانية. احنا قلنا الشغل بتقضى فيه تلت عمرك؟ طب
النوم - 00:21:46

وطولة عمرك يا جماعة ما برضه ما تقولش انت كمان يعني النوم اقول لك انت حر مش عاوز تنوبي ما تنوبيش. مش عاوز تستحضر
نوايا وانت بتتكلم انت حر. لكن هتتيجي يوم القيمة تلت عمرك راح. انت حر - 00:22:08

لكن انت واحد زكي مستحيل تسيب تبدأ عمرك رايج منك عشرين سنة يروحوا منك؟ يا جماعة يعني آآ يعني ازاي! ازاي يا اخي ده انا
لو قلت لك ثلت رأس مالك من الفلوس هيروح - 00:22:23

هتموتني انا بقول لك تلت راس مالك اللي هيدخلك جنة او نار رايح منك وده بقى اللي هنتكلم فيه دلوقتي معنى هو ليه الوقت كان عزيز عليهم واحنا مش حاسين به - [00:22:38](#)

في اول معنى هو المعنى ده ان ان لما جينا حسبنا بالورقة والقلم كده يا جماعة انت انت ايه! انت ولا حاجة! انت بتتكلم في خمس سنين! سنت سنين دول اللي انت عايشهم - [00:22:56](#)

فالازم تنوي الخير في التلتين عمرك دول الشغلة دي انا عارفنا والنوم انك تتقوى على عبادة الله عز وجل. وتبتدي تقلل من ساعات نومك. مش عشان تصحي تهرج مش عشان تصحي تفتح الفيسبوك. تقدعد عليه بالساعات - [00:23:09](#)

لأ انت في قلب ساعات نومك عشان تصحي تعبد ربنا سبحانه وتعالى. والعبادة بمفهومها الشامل الواسع. يعني وانا بقول العبادة دلوقتي يا جماعة بلاش اقتصر اذهاننا على فكرة العبادة اللي هي الصلاة والصوم والزكاة وقراءة القرآن ودي من اجل العبادات. لكن العبادة بمفهومها الشامل لان - [00:23:21](#)

تضييق العبادة على المفهوم ده بيخرج ناس كثير جدا الى الولا حاجة الى الغفلة العبادة مفهومها اوسع من كده واشمل ممكن تكون زيارتكم لاصحابكم عبادة اتصالكم بابوك او بامك عبادة - [00:23:39](#)

وعدك مع ابنك او بنتك عبادة قعودك مع زوجتك عبادة وهكذا مفهوم العبادة الاوسع خلاص مش هنتكلم عنه ده ممكن نفرد له لان دي بردہ دی قاعدة مهمة في طرقه الى الله عز وجل. انه ما على المحسنين من سبيل. يعني مش كل المسلمين هيمشوا في طريق واحد - [00:24:00](#)

دي قاعدة على فكرة قاعدة في السير الى الله بعض الناس يشوف فلان العالم فيقول لك انا نفسي ابقى عالم لكن سبحان الله! ربنا اغلق عليه باب العلم! فيه بيان كتيرة غير العلم - [00:24:18](#)

ممکن تدخل فيه تدخل منها على ربنا وتسبق دول. وكذلك واحد شاف واحد عابد ربنا مضيق عليه باب العبادة. ما اقعدش آلاماً ممكن يبقى ربنا كل ما يصل لما خلق له - [00:24:29](#)

دي كلها قواعد يا جماعة طريق الى الله. مش هيستقيم لك سير الا انك تعرف القواعد دي. ما على المحسنين من سبيل. كل ميسر لاما خلق له واضح؟ بس ده مش درس النهاردة. ان شاء الله ممكن نبقى نعمل له درس - [00:24:40](#)

طيب نرجع تاني يبقى النوم لازم تنوي فيه الخير الشغل الاكل الشرب يعني ايه انوي الخير انوي الخير يعني ايه الاول؟ احنا قلنا ايه يعني انبعاثة قلب يعني ايه برضو؟ عشان ما تباقاش ايه؟ يعني يعني انا بقول لها لو جيت انا او جيت اكل او جيت اشرب او جيت اروح الشغل فقلت انا بقى ناوي ان شاء الله بنومي ده نتقوى ابعث لنا - [00:24:54](#)

لأ لازم قلبك ينبعث ازاي؟ قلبك ينبعث باللي احنا عمالين نقوله ده انك تفكر نفسك ان انا لو ما عملتش كده انا لابس في الحيط انا ما قلتش كده عمري بيروح مني - [00:25:18](#)

تاني حاجة بقى هم ليه حسوا بقيمة الوقت واحنا مش حاسين بقيمة الوقت احنا ازاي احنا يعني انا وانت مش انت بس يعني حتى انا احنا ازاي ممكن الواحد منا يمسك كده الموبايل ويقعد بال ساعتين ثلاثة بيعمل ولا حاجة - [00:25:31](#)

ازاي ازاي بنعمل ده والسلف كان حالهم عجيب وهنيجي ل حاجات يعني هقرأ لكم كمان شوية السلف كانوا بيعملوا ايه والوقت ده كان عندهم شكله ايه لكن من الحاجات المهمة جدا اللي فرقت بينا وبينهم يا جماعة - [00:25:45](#)

ان احنا مش عارفين قيمة الوقت بقى يعني ايه قيمة كلمة دي تعالوا بس عشان نفهم القصة دي اقول لحضرتك حاجة الجيري خلاص احنا كبرنا لدرجة بقىت اقول جي لي دلوقتي جيلي والجيل اللي اكبر منه - [00:26:04](#)

لو انت ماشي دلوقتي وبعدين وقعت منك آخمسة جنيه مسلا وبعد شوية فتش له ما لقتش الخمسة جنيه هل يعني هتركت او انك ترجع تشو夫 الخمسة جنيه وقعت منك في انهي حته - [00:26:18](#)

ما اعتقدش او يعني المعظم المتوسط من الناس. خمسة جنيه واحد هي هي الخمسة جنيه دي هي ارجع كده خمسة وعشرين تلاتين سنة لورا والخمسة جنيه وقعت من جيبك - [00:26:32](#)

كنت ممکن ترجع تبص؟ اه ليه عشان قيمة الخمسة جنيه النهاردة مش ذي قيمة الخمسة جنيه من تلاتين سنة القيمة طب عايز تقول ايه عاوز اقول لك احسب وقتك بقيمة وقتك - [00:26:46](#)

هتحس انت بتضيع ايه لأ مش فاهم هفهمك يعني انت مسلا مش عارف انك لو ان مسلا لا حول ولا قوة الا بالله كنز من كنوز الجنة عارف انت انت عارف الحاجات دي - [00:27:11](#)

طيب لا حول ولا قوة الا بالله دي عشان تقولها يستغرق وقت اللي هو انا قلت فيه دلوقتي اللي هو تقريبا سانيتين تلاتة احسب التلات ثوانى دول انك لو قلت فيهم لا حول ولا قوة الا بالله - [00:27:29](#)

فانت قد احرزت كنزا من كنوز الجنة. ولو ما قلتش فيهم فانت فرطت في كنز من كنوز الجنة احنا بنفك في الوقت بقيمة الوقت معنط طيب عارفين حديث ان اللي هيقول سبحان الله وبحمده مائة مرة - [00:27:42](#)

غفرت خطایاه وان كانت مثل زبد البحر عارفين الحديث كلنا طيب سبحان الله وبحمده مائة مرة بتاخذ وقت قد ايه تلات اربع دقائق احسب ان التلات اربع دقائق دول قيمتهم مغفرة زنوبك - [00:27:59](#)

يا قيمة الوقت وهكذا يبقى ده منزور تاني لاحاديث لفنة او لطائفة اخرى من الاحاديس. خلي بالكم. احنا كمان بنرتب دماغنا. نفهم دين ازاي يبقى انت لما تقرأ احاديس النبي صلى الله عليه وسلم اللي فيها بينبهك على انك تحط نية في المباحثات ابتدية تحطها كده ايه؟ تفهمها في - [00:28:17](#)

بمفهوم شمولي النبي صلى الله عليه وسلم يليح على معنى اكبر. وهو انك ما تضيعش عمرك في طائفة تانية من الاحاديث بقى لما هتقراها هتفهمها برضه بايه في سياق اشمل واوسع اللي هي احاديث ايه؟ الاحاديث اللي هي فيها خصال خير - [00:28:40](#)

تحرز بها ثواب كبير فكان النبي هنا بينبهك على قيمة الوقت يعني اللي هيصللي الفجر في جماعة ويمكث في مصلاه الى ان تطلع الشمس. وبعددين يصللي ركعتين هيأخذ اجر حجة وعمرة تامة تامة - [00:28:59](#)

انك تقعده من لغاية الشروق وصللي ركعتين وقت قد ايه؟ ساعة من الساعة احسبها بقيمتها. قيمة الساعة دي الحاج عمرة تامة تامة ابتديء انت لما تفكر كده قيمة الوقت غالبة - [00:29:18](#)

الخمسة جنيه اللي وقعت منك النهاردة والخمسة جنيه اللي وقعت منك من تلاتين سنة قيمة الوقت هي دي ازاي تضيع ازاي تضيع وقت ده قيمته سمينة جدا تكلم في القيمة بقى - [00:29:35](#)

واحد ج Zah الله خيرا بيقول والمشي الى صلاة الجمعة ان كل خطوة بتحط آآ خطيئة وآآ تكتب حسنة وترفع درجة او آآ ده الى المسجد عموما. آآ في صلاة الجمعة اللي هو ايه - [00:29:50](#)

من غسل واغتسل وبكر وابتكر ومشي ولم يركب كتب له اجر سنة ايه ده صيامها وقيامها ماشي او وكانت كل خطوة يعني مش فاكر او يرد الحديث اللي هو ايه - [00:30:08](#)

يكتب له بها ايه؟ الف الف حسنة وتمحي بها عنه الف والف سيئة. ويرفع بها الف الف درجة طيب اه فيبقى هنا القيمة قيمة الوقت اللي انت ماشي فيه من البيت للمسجد - [00:30:25](#)

وعشان كده تفهم بقى شف يا جماعة الدين كله في سياق واحد ازاي اه لما نفسي راجل يقول لبني سلمة ايه؟ دياركم تكتب اثاركم ابو سلمة كانوا بعيد شوية عن المسجد النبوى - [00:30:44](#)

كانوا عشان ييجوا مع النبي صلى الله عليه وسلم بيمشوا. فقالوا ايه؟ نبني آآ او نقرب شوية من المسجد النبوى. فالنبي قال لهم ايه يا بنى سلمة دياركم يعني الزموا دياركم. تكتب اثاركم - [00:30:56](#)

انا اعرف ناس من اللي عايشين دلوقتي كانوا بيحرصوا انهم يروحوا في صلاة الجمعة المسجد بعيد يروحوا للجمعة المسجد بعيد اه وكان في ناس بتمشي ممكن تنزل تمشي ساعتين وتلاتة - [00:31:07](#)

قبل صلاة الجمعة عشان تروح مسجد بعيد. يعني يعني مش بيمشي مش مسجد بعيد يعني هو ربع ساعة مشي ونص ساعة مشي. لا. ده ينزل فيه ناس كانت بتطلع الفجر - [00:31:22](#)

وفي ناس كانت بتطلع تصلي الفجر في المسجد تصلي فيه الجمعة اذا بتكلم عن ناس عايشة معنا يا جماعة. مش بتكلم على ناس آآ من السلف. ناس عايشة معنا. ناس فهمت - [00:31:29](#)

المغزى من وجودها في الدنيا دي نرجع تاني خلاص يبقى هم ليه فهموا او كانوا حريصين على الوقت واحنا مش حريصين عشان احنا ما حصلناش وقت بقيمه قل لا لا أنا عارف قيمة الوقت. لكن معنـي منه كـثير - [00:31:39](#)

عارفين زي ايـه؟ واحد يقول لك أنا عارف قيمة الجنـيـه بـس أنا مـليـارـديـر ايـه يعني اما اجـنيـه يـقـع منـي هنا وابـنيـه يـدـوح منـي هناك اقول لك اـهـ معـكـ منهـ كـثيرـ ديـ حاجةـ تـانـيـةـ بـتـخـلـيـكـ تـسـرحـ الليـ هيـ ايـهـ ياـ جـمـاعـةـ؟ـ الغـفـلـةـ وـطـوـلـ الـاـمـلـ - [00:31:56](#)

الـغـفـلـةـ وـطـوـلـ الـاـمـلـ حـضـرـتـكـ تـضـمـنـ انـكـ تـخـرـجـ منـ الـدـرـسـ دـهـ اـصـلـاـ؟ـ كـنـتـ مـرـةـ بـدـيـ درـسـ فيـ مـسـجـدـ فيـ صـلـاـةـ الـفـجـرـ مـسـجـدـيـ يـعـنـيـ يعنيـ كـنـتـ اـقـعـدـ اـدـيـ فيـهـ درـسـ لـكـ فـيـ الـقـاهـرـةـ يـعـنـيـ قـبـلـ ماـ اـجـيـ اـسـكـنـدـرـيـةـ - [00:32:12](#)

الـمـسـجـدـ دـهـ كـانـ عـلـىـ طـرـيقـ آـآـ يـعـنـيـ مـطـرـوـقـ يـعـنـيـ وـآـآـ طـرـيقـ يـعـنـيـ سـرـيعـ كـدـهـ اوـيـ يـعـنـيـ فـالـمـهـمـ الـاتـوـبـيـسـ وـقـفـ نـزـلـ نـاسـ مـنـهـ تصـلـيـ المسـجـدـ مـلـيـانـ بـقـىـ رـجـالـ وـنـسـاءـ كـانـواـ رـايـحـينـ عـمـرـةـ وـنـزـلـواـ يـصـلـوـاـ الـفـجـرـ - [00:32:29](#)

وجـيتـ بـعـدـ الـدـرـسـ وـاجـرـيـ اللـهـ عـلـىـ لـسـانـيـ انـ اـنـكـ اـتـكـلـمـ عـنـ الـمـوـتـ يـأـتـيـ بـغـنـةـ،ـ وـقـلـتـ نـصـاـ كـدـهـ.ـ قـلـتـ مـمـكـنـ يـكـونـ مـلـكـ الـمـوـتـ بـبـيـناـ دـلـوقـتـيـ وـانـ فـيـ وـاحـدـ مـنـ دـخـلـ مـشـ هـيـخـرـجـ.ـ وـسـمـعـنـاـ صـوتـ عـنـدـ النـسـاءـ - [00:32:42](#)

واحدـةـ مـاتـ مـنـ الـلـيـ كـانـواـ فـيـ الـاتـوـبـيـسـ يـاـ جـمـاعـةـ اـحـناـ مـمـكـنـ درـسـ الزـوـمـ دـهـ يـكـونـ بـرـضـهـ نـفـسـ الـفـنـ فـيـ وـاحـدـ مـشـ هـيـخـرـجـ مـنـ الـدـرـسـ اـنتـ مـيـنـ قـالـ لـكـ اـنـكـ مـعـكـ منهـ كـثـيرـ اـصـلـاـ - [00:32:57](#)

فـدـهـ يـقـطـعـهـ عـنـكـ حـدـيـثـ النـبـيـ عـلـيـ الـصـلـاـةـ وـالـسـلـامـ الـلـيـ هوـ مـالـيـ وـلـلـدـنـيـاـ اـنـمـاـ اـنـاـ كـراـكـبـ استـظـلـ تـحـتـ شـجـرـةـ الـمـرـوـحةـ وـتـرـكـهاـ.ـ والـحـدـيـثـ التـانـيـ بـقـىـ الـلـيـ اـشـرـفـ مـنـ دـهـ هـتـكـونـ فـيـ دـنـيـاـ كـأـنـكـ غـرـيبـ اوـ عـادـلـ وـشـبـيـهـ - [00:33:10](#)

انتـمـ عـارـفـينـ يـاـ جـمـاعـةـ الغـرـيبـ دـهـ مـمـكـنـ يـبـتـدـيـ اـيـهـ الغـرـيبـ الـلـيـ هوـ اـيـهـ وـاحـدـ رـاحـ سـافـرـ الـخـلـيـجـ.ـ رـبـنـاـ فـتـحـ عـلـيـهـ وـهـيـقـعـدـ فـيـ الـخـلـيـجـ شـوـيـةـ.ـ فـاسـمـهـ غـرـيبـ.ـ كـدـهـ كـدـهـ هـيـرـجـعـ مـصـرـ فـيـ يـوـمـ مـنـ الـاـيـامـ - [00:33:24](#)

لـكـ هـيـبـنـيـ بـيـتـهـ وـاـهـ مـمـكـنـ يـجـبـ بـقـىـ اـجـهـزةـ كـهـرـبـائـيـةـ وـمـمـكـنـ صـحـ.ـ دـهـ الغـرـيبـ.ـ فـالـنـبـيـ بـيـقـولـ لـكـ قـلـ فـيـ الـدـنـيـاـ كـأـنـكـ غـرـيبـ وـرـجـعـ قـالـ لـكـ اوـ عـابـرـ سـبـيلـ لـاـ حـتـىـ الغـرـيبـ لـأـ.ـ عـادـلـ سـبـيلـ الـلـيـ هوـ اـيـهـ بـقـىـ ؟ـ الـلـيـ هوـ مـعـدـيـ بـسـ كـدـهـ - [00:33:35](#)

ومـاـشـيـ مـشـ قـاعـدـ عـاـمـلـ السـبـيـطـ دـهـ بـقـىـ تـلـاقـيـهـ يـجـبـ لـكـ الـاجـهـزةـ لـأـ هوـ فـكـرـهـ فـيـ الـدـنـيـاـ الـلـيـ هوـ اـيـهـ يـاـ عـمـ دـهـ اـنـاـ عـابـرـ سـبـيلـ اـنـمـاـ اـنـاـ رـاكـبـ اـسـتـظـلـ تـحـ شـجـرـةـ ثـمـ رـاحـ وـفـرـجـهاـ - [00:33:49](#)

فـلـأـ حـضـرـتـكـ مـاـ عـكـشـ كـثـيرـ اـنـتـ مـاـ عـكـشـ كـثـيرـ مـنـ دـهـ.ـ مـاـ عـكـشـ كـثـيرـ مـنـ رـاسـ مـالـكـ.ـ لـانـكـ اـصـلـاـ مـاـ تـعـرـفـشـ اـنـتـ مـعـكـ قدـ اـيـهـ اـنـتـ مـمـكـنـ يكونـ النـهـارـدـةـ هوـ اـخـرـ يـوـمـ فـيـ رـاسـ مـاتـ - [00:34:03](#)

ودـهـ بـرـضـهـ الـلـيـ هـيـفـسـرـ لـكـ اـجـتـهـادـ بـعـضـ السـلـفـ اـجـتـهـادـ شـدـيدـ كـلـ لـيـلـةـ اـمـرـأـ اـبـيـ حـبـيـبـ كـانـتـ بـتـقـولـ حاجـةـ عـجـيـبـةـ جـداـ وـقـالـتـ اوـصـانـيـ قبلـ انـ يـمـوـتـ اوـ قـالـ لـيـ قـبـلـ انـ يـنـامـ هوـ هوـ نـامـ فـمـاتـ وـهـوـ نـامـ - [00:34:14](#)

قالـ اـذـاـ اـنـاـ مـتـ الـلـيـلـةـ هيـ بـتـقـولـ بـتـقـولـ قـالـ لـيـ قـبـلـ ماـ يـنـامـ اـذـاـ اـنـاـ مـتـ الـلـيـلـ فـابـعـتـيـ الـلـيـلـ بـكـذاـ وـكـذاـ وـابـلـغـيـ فـلـانـ كـذاـ وـكـذاـ فـاستـغـرـبـوـاـ يـعـنـيـ اـيـهـ دـهـ هوـ عـرـفـ مـنـيـنـ اـنـهـ هـيـمـوـتـ فـقـالـوـاـ - [00:34:32](#)

رأـيـ رـؤـيـةـ يـعـنـيـ هوـ شـافـ رـؤـيـةـ استـغـرـيـتـ قـولـهـ قـالـتـ هـذـاـ يـقـولـهـ كـلـ لـيـلـةـ هـذـاـ يـقـولـهـ كـلـ لـيـلـةـ قـبـلـ ماـ يـنـامـ بـيـقـولـ لـيـ كـدـهـ اـصـلـاـ دـهـ رـاجـلـ بـيـنـامـ بـيـقـولـ مـشـ هـصـحـىـ - [00:34:48](#)

دهـ كـلـامـ اـبـنـ عـمـ بـيـعـقـبـ عـلـىـ حـدـيـثـ النـبـيـ يـكـونـ فـيـ الـدـنـيـاـ كـأـنـكـ غـرـيبـ اوـ عـادـلـ وـسـدـيدـ.ـ قـالـ اـبـنـ عـمـ اـذـاـ اـصـبـحـتـ فـلـاـ تـنـتـظـرـ المـسـاءـ وـاـذـاـ اـمـسـيـتـ فـلـاـ تـنـتـظـرـ الصـبـاحـ عـارـفـينـ لـمـاـ بـنـيـجـيـ نـقـولـ صـلـاـتـهـاـ مـوـدـعـ - [00:35:03](#)

معـنـىـ عـمـيقـ جـداـ وـهـوـ المعـنـىـ دـهـ وـمـشـ عـاـوـزـ اـطـولـ فـيـهـ بـقـىـ يـعـنـيـ آـآـ هـخـتـمـ بـالـاسـرـ الـلـيـ هوـ اوـ يـعـنـيـ الـكـلـمـةـ الـلـيـ صـلـ صـلـاـ مـوـدـعـ.ـ يـاـ جـمـاعـةـ فـيـ صـلـاـةـ هـتـصـلـيـهـاـ هيـ اـخـرـ صـلـاـةـ - [00:35:19](#)

يعـنـيـ اـذـاـ مـاـ خـدـتـشـ صـلـاـةـ الـفـجـرـ الـلـيـ جـاـيـةـ فـهـيـ صـلـاـةـ الضـهـرـ الـلـيـ جـاـيـةـ ماـ كـتـشـ الضـهـرـ هـيـ العـصـرـ فـيـقـيـنـاـ دـيـ صـلـاـةـ هـتـصـلـيـهـاـ؟ـ هـيـ صـلـاـةـ

مودع هي الصلاة الاخيرة مبين ادي لحضرتك صك ضمان ان مش الصلاة دي - 00:35:31

طب بالله عليك لو نده لو نودي عليك من السماء الان يا فلان ابن فلان الصلاة القادمة هي الصلاة الاخيرة. هتصليلها ازاي فكر كده اتنده صوت من السماء سمعته فلان - 00:35:47

الصلاه الجايه اخر صلاه لك هتصليل صلاه دي ازاي طب مين قال لك ان الصلاه الجايه مش الاخيرة؟ لو صليتها الحمد لله وجه معاليك معاد تاني. قل لنفسك كده هي دي الاخيرة - 00:36:04

جه الميعاد الثالث قل لنفسك كده هي دي الاخيرة صل صلاه مودعة يبقى احنا دلوقتي نفينا عن قلوبنا. معنى ان الوقت ده رخيص. قلنا لك احسب الوقت بقيمه. ونافينا عن قلوبنا معنى انك معك منه كتير - 00:36:19

بقى ايه اللي يخليلك ما تستثمرش وقتك ما يبقاش غير حاجة واحدة بس هو دناءة الهمم طبعا ده كله يا جماعة بعد توفيق الله عز وجل اول حاجة واخر حاجة وكل حاجة توفيق ربنا له سبحانه وتعالى. احنا بنتكلم في الاسباب - 00:36:34

اول حاجة معنى انك تعرف قيمة وقتك اي حاجة انه وقتك ده قليل مش كتير ما عدش منه كتير ولا حاجة ده انت مضحوك عليك بس. ده انت في غفلة ففناكر انك معك منه كتير. فطلع ما عكش منه كتير اصلا - 00:36:53

الحسابات بالورقة والقلم يا جماعة. بالورقة اللي انت ما عملتش منه كتير تالت حاجة بقى دناءة الهمم. ودي بقى يعني مش هينفع اتكلم عليها في الفيديو ده. لكن ازاي نعلو بهمنا واحدة من الاسباب ودي اللي هختم بيها انك تقرأ احوال السلف - 00:37:05

واقولهم الناس دي كانت عايشة ازاي؟ كانت شايفه الوقت ازاي؟ طبعا تقرأهم في كل حاجة يعني في كل ملاحق حياتهم كانوا عاملين ازاي؟ لكن خليها بسرعة كده يعني مسلا عندك - 00:37:20

ابن عقيل ابن عقيل ده من جهابذة الفقهاء والاصوليين يعني معروفة بيكول ايه بقى يا ابن العقيل؟ بيكول اني لا يحل لي ان اضيع ساعة من عمري اني لا شايف انه حرام عليه ضيع ساعة من عمره. حتى اذا تعطل لسانى عن المذاكرة، تعبت لدرجة مش قادر اتكلم مش قادر اذكر ربنا. مش قادر اقرأ القرآن وتعطل بصري عن المطالعة - 00:37:29

مش قادر ابص اعملت فكري في حال راحتى. وانا منظر فلا انهض الا وقد خطر لي ما استر الرجال تعب لا قادر ببص في مصحف ولا في كتب علم ولا قادر يذكر بلسانه ينام على ضهره كده ويفكر - 00:37:48

يقوم ايه يكتب ابن عفيف ده بقى كان حالته عجيبة جدا. انا هقول لكم العقيد ده في الاخر ايه نتاجه العلمي ابن عقيل بقى كان في كلام يعني ممكن احكى لكم بس انا لا انا افضل اني اقرأه لابن عقيل - 00:38:05

اه بصل ابن عقيل بيأكل ايه ادي اديكم شفتم بيتعمل ازاي مع النوم بيكول ايه ابن عطيف في الاكل بقى الاكل يقول وانا اقصر بغایه جهدي اوقات اكلني حتى اختاروا سف الكعب وتحسيبه بالماء على الخبر - 00:38:23

يعني ابن عقيل بقى ما كانش يأكل عيش زينا يقطع اللقمة ويغمض لأ كانوا يجيبيوا له الكعك ويدقوه يسفوه بيجي هونى سفه كده وشرب مایه طب ليه بتعمل كده يا ابن العاطي؟ بيكول - 00:38:41

حتى اختار سف الكعب وتحسيبه بالماء على الخبر. ليه؟ لاجل ما بينهما من تفاوت المضغ بيكول لك انا لسة هاقعد امضغ ما عنديش وقت اسف كعك واشرب مية وخلصنا توفرنا على مطالعة - 00:38:56

او تسطير فائدة لم ادركه ابن عطيل بقى كان نتابه كتاب واحد من كتب نعطيل اسمه كتاب الفنون. عارفين كام مجلد تمنميت مجلد انت فاهمين الرقم طبعا هذا الكتاب فقد - 00:39:15

آآا ولم يكن منه الا يعني ايه؟ مجلدات قليلة اظن مجلدين او ارقى المهم يعني ده نتائج ده كتاب واحد من كتب ابن عقيل. كتاب الفنون تمنميت مجلد نفس المشكاة كده - 00:39:30

عثمان الباقلة كان دائم الذكر لله تعالى. قال اني وقت الافطار احس بروحى كانها تخرج وقت الفطار وقت ما باكل باحس ان روحي بتخرج. مش من كتر الاكل زينا لأ. امال ليه؟ قال لاجل اشتغالى بالاكل عن الذكر - 00:39:45

ايه المعاني المرعبة دي يا جماعة؟ دي ناس فاهمة هي عايشة فاهمة الوقت اللي احنا بنتكلم فيه دلوقتي اه ما اعرفش ايه المصل ايه

المصل هو صاحب شركة تسلا وشركات كتير قوي يعني غيرها - [00:40:05](#)
وهو اغنى راجل في الكوكب اللي احنا عايشين عليه دلوقتني. هو بيلعب في رقم واحد او رقم اتنين. يعني هو وبتاع امازون ده يطلع
وده هكذا يعني ايه بدلوا مع بعض - [00:40:17](#)

اغلى رجل على الكوكب الماسك كان له تصريح قريته من حوالي شهرین کده انه بيدرس انه يعني يجيب اطباء فريق طبي
يركبوا له انابيب يغذي جسمه عشان مش لاقی وقت يأكل - [00:40:29](#)

او مش عايزه دعوة في الاكل الامثلة دي موجود طبعا هو علشان دنيا لكن موجودة عندنا اهو. عند السلف اهو واحد بيسب الكعك
ويشرب ماية. الثاني داود الطائي كان يستف الفتى ويقول بين سف الفتى واقل الخبز قراءة خمسين آية - [00:40:47](#)
بسوا يا جماعة بيسوا الوقت بايه القرآن بقيمة الوقت قراءة خمسين آية دي ما بتفكرش في حاجة بالحديث اللي هو بتاع ما بين
السحور واذان الفجر. يا جماعة انتم بيقضوا وقتهم بايه يا جماعة - [00:41:12](#)

الموضوع تقوم بايه؟ بقراءة القرآن. احنا داخلين على رمضان اهو الحديث ده مشهور وبيتقال كتير اللي هو کم كان بينهما اللي هو
السحور والاذان؟ قال قبره خمسين آية دي قيمة الوقت - [00:41:26](#)

عندهم اهو داود طايق بيقول نفس الكلام ما يأكلش. يقول ليه بينهم قرابة خمسين آية. انا فاضي اكل عثمان وقلنا عثمان الاكلاوي
قال ايه عمار ابن رجاء شوفوا يا جماعة كله في نفس الحنة. يقول سمعت عبيد بن يعيش يقول اقمت ثلاثين سنة ما اكلت بيدي
بالليل. قعدت ثلاثين سنة عمري بقى - [00:41:38](#)

كلت بایدي بالليل امال كان بيعمل ايه ؟ كانت اختي تلقمني وانا اكتب الحديث ثلاثين سنة ما يأكلش. هو عمال يكتب واخته قاعدة
جنبه تعمل له لقمة تديها له في بقه. وهو بيكتب - [00:42:02](#)

متخليين يا جماعة ابن تيمية بجد صاحب المسود ده شيخ الاسلام ابن تيمية ده الحفيد. جده بقى كان بيقول ايه عبدالرحمن ابن
تيمية قال عن ابيه كان الجد يعني ابن تيمية جد - [00:42:17](#)

اذا دخل الخلاء داخل الحمام يقول لي اقرأ في هذا الكتاب وارفع صوتك حتى اسمع ما بيضيعش وقت وهو فين ؟ وهو في الحمام
والكلمة دي تفكربنا برضه بمين ؟ بايه - [00:42:35](#)

آآ عبدالرحمن ابدأ بسرعة بيزورها بpresso لمصنفات كتير قوي. فمستغربين هو وكان وسمع من ابوه ابو زرعة الرازى احاديث كتيرة
قوي فيسألوه انت سمعت ده كله امته اصلا منه هيقولوا لي عبدالرحمن ابي زرعة - [00:42:51](#)
ربما كان يأكل يعني ابوه ابو زرعة. ربما كان يأكل واقرأ عليه هو قاعد بياكل وانا بقرأ عليه الحديث وبمشي واقرأ عليه. ويدخل الخلاء
واقرأ عليه ويدخل البيت في طلب شيئا. يعني هم اللاتين خرجوا من البيت. فابوه راجع بس يدخل نسي حاجة يجيها - [00:43:04](#)
ما يضيعش وقته. عبدالرحمن بيزورها ويدخل البيت في طلب الحاجة واقرأ عليه يعني امثلة في غاية العجب الخليل ابن احمد
الفراهيني امام ولغوی وصاحب طبعا علم هو اللي انشأ لوحده علم العروض. قال اثقل الساعات علي ساعة اكل - [00:43:22](#)
وفيها الى غير ذلك من الایه ؟ من الكلام ده. الحقيقة لكن انا عاوز اختم باسر واحد عشان الوقت ما اطولش عليكم حسن البصري وهو
ده يا جماعة الفرق بيننا وبينكم بقى من الآخر كده - [00:43:43](#)

حسن البصري بيكلم التابعين. تخيلوا بقى بيكلم التابعين هيلوهم هيلوهم التابعين يقول لقد ادركت اقواما يعني الصحابة لقد ادركت
اقواما كانوا على اوقاتهم اشد حرضا منكم على اموالكم هو ده الفرق ببساطة. لما لما الحسن بيقول للتابعين انتم حريصين قوي على
الدنيا على الفلوس - [00:43:57](#)

انا بقى ادركت اقواما اللي هم الصحابة يعني كانوا احرص على الاوقات من حرص احدكم على هديك مسال سريع للحرص على
الوقت وازاي كان يقدموا الوقت على المال ؟ محمد ابن سلامة محمد ابن سلام كان من شيوخ البحاري - [00:44:19](#)
عليهمها جميعا ورحمة الله فكان وهو في حالة طلب في مجلسهم لا يعني كان لسه طالب علمي مش ما بقاش شيخ يعني قاعد في
مجلس املاء يعني الشيخ زمان مجالس الاملاء الشيخ قاعد بيحدين والطلاب قاعدين بيكتبوا - [00:44:36](#)

الراجل معه قلم سلام. المهم اتكسر يا جماعة الم الكسر عقبال ما يجري الالم في وقت تدريب اليوم كانوا بيكفوا الالم كده. ماضي عقبال ما يجريه يعني هيأخذ وقت قد ايه؟ تلاتين سانية اربعين سانية دقيقة - 00:44:49

وهيقوت ويشهي من العلم مش هيلحق يكتبه بي عمل ايه تخيلوا كده محمد سالمة فنادي في المجلس قلم بدينار فتطايرت الاقلام عليه عارفين ام دينار يا جماعة؟ دينار اربعة وربع جرام دهب - 00:45:06

النهاردة حاجة كبيرة قوي. وكان زمان حاجة كبيرة برضه يعني مش مطبعة وربع جرام ده شف جرام الذهب دلوقتي بكم واضربه في اربعة وربع هو ما عندوش وقت ان هنفاصل. يعني مش هقول لهم قلم بعشرة جنيه فيبتدى واحد يقول لي طب عشق.انا مش فاضي لك. لا ده انا هقول قلم بعشر تلاف جنيه - 00:45:23

ليه؟ عشان ما اضيعش سانية هي دي هي دي اللعبة بقى. هي دي الخلاصة كانوا احرصوا على الوقت من من حرص احذنا على امواله على المال فنادي قلم بدينار فتطايرت الاقلام - 00:45:42

كله رمى ايه؟ اللي معه قلم زيت طبعا هم مش هم رجل الام وما كتبوش يعني هم زيه برضه لا يعني معهم اقدام زيادة رموا له القلم عشان ياخدوا الدينار - 00:45:59

اللي عاززين نخرج به يا جماعة القاعدتين الثانيتين او القاعدة اللي هي ينبي عليها مسألتين. وانما لكل امرئ ما نوى. يعني ايه بقى انما لكل امرئ ما نوى؟ احنا ما قلناش اصلا - 00:46:10

وانما لكل امرئ مناوي يعني مهما نويت من خير وسيتها على سهلة اهي. ده معنى من خمس او ست معاني اختلفوا العلماء. ايه الفرق بين ان انا اعملوا بنات وانما لكل امرئ مانوي اختلفوا على خمس او ست اقوال - 00:46:20

لكن احد هذه الاقوال وده معنى واحد اللي اتكلمنا عليه احنا كنا نفسنا نتكلم على قول تاني لكن ما فيش وقت لكن من الاقوال انما لكل امرئ ما نوى يعني مهما نويت من خير اسبت عليه - 00:46:33

طب هنستفيد ايه من دي؟ انك تنوي الخير في المباحثات. مباحثاتك دي ما تروحش كده وقت اكلك وقت شربك وقت نومك وقت وهتلaci بقى فكر في نوايا حتى ولدك مع زوجتك. حتى وعدك مع اولادك - 00:46:45

كل مباح يعني النهاردة يا جماعة عاززين وقفه كده ايه المباحثات اللي بعملها في حياتي وايه النوايا اللي اقدر احظها في المباحثات دي وادرب نفسى اني احط فيها نوايا وايه الطاعات اللي بعملها وازاى اكتر من النوايا في الطاعة الواحدة - 00:46:58

ازيك يا كتر مناوي في الطاعة الواحدة؟ يبقى انا لو مثلا آآ اي حاجة بقى رايح المسجد عشان اصلی فهنوبي الخطى اللي انا رايح بها للمسجد ونهنوي اعتكاف في المسجد ونهنوي آآ - 00:47:12

آآ سبعة يظلهم الله في ظله يوم لا ظل الا ظله. منهم رجل قلبه معلق بالمساجد. اقعد انوي انوي نيات كتيرة تساب على كل هذه النوايا. ليه؟ وانما لكل - 00:47:25

لامري ما نوى المباح هنشوف ابن الرسول بيقول ايه في متن الزبد وخص ما يباح باستوائي الفعل والترك على السواء لكن اذا نوى باكله القوى بطاعة الله له ما قد نوى - 00:47:35

يعني لو نويت في الرياضة واحد بيسأل ما هي النية في ممارسة الرياضة؟ النوايا كتير. اول حاجة انك تنوي المؤمن القوي خير واحب الى الله من المؤمن الضعيف وفي كل خير. فمن القوة قوة البدن. منها انك تنوي واعدوا لهم ما استطعتم من قوة ومن رباط الخير ترهبون به عدو الله وعدوكم وانت لا تدرى. متى يأتي هذا اليوم - 00:47:47

بممارسة للرياضة. آآ يعني في نوايا لأ في نوايا كتير حتى في الرياضة. آآ واظن في مصنف آآ في الموضوع ده في الرياضة احاديث جاءت في الرياضة اظن اسمه الأربعون في الرياضة او حاجة زي كده - 00:48:06

طيب يبقى ده اول حاجة تاني حاجة الطاعات تنوى فيها اكتر مني آآ يتبقى حاجة اخيرة احنا تقريبا ثالثين واحد بيسمع الفيديو هنا على في الحدود دي على الزوم واللي هيسمعني بعد كده حتى في اليوتيوب او غيره - 00:48:25

يعني شيل الفيسبوك من على الموبايل ما فيش وقت والله يا جماعة ما في وقت للكلام ده تطبيق الفيسبوك مع الموبايل لو انت ما

انتش الفيسبوك ده ما بتسخدموش في حاجة لله سبحانه وتعالى - [00:48:45](#)

اشيله واعمل به اكتيفيشن للاكونت اصلا والله ما له لازمة والله بيسرح عمرك على الفاضي طب انت واحد بتسخدمه في طاعة الله عز وجل على الاقل شيل التطبيق استخدمه من على اللاب توب ادخل من على يعني البراوزر اللي على الموبايل بالاش التطبيق شيله - [00:49:02](#)

هتحسوا يا جماعة بالغبن الشديد يوم القيامة ربنا سماه يوم التغابن يوم يجمعكم يوم الجمع ذلك يوم التغابن. عارفين ايه الغبن يا جماعة الهضم لما يكون معك سلعة غالبة جدا وتبيعها بالرخيص - [00:49:22](#)

انت كده ابو بنت هو ده الغضب معي حاجة بالف جنيه رحت بعيتها بخمسة جنيه انا كده ابو بنت في السلعة دي. طب هو يوم القيامة يوم التغابن؟ لأن التغابن كان في الدنيا. كان معك راس مال خسرته في ولا حاجة. طب ليه تسمى يوم يوم التغابن - [00:49:35](#)
هو اليوم الذي يظهر فيه الغضب الغضب ده للكافر بس؟ لأن اقرروا التفسير يا جماعة الغضب ده للكافر والمؤمن. قالوا يظهر غبن الكافر لتركه الايمان ويظهر غبن المؤمن بتركه الاحسان - [00:49:50](#)

كنت على ايه على فيسبوك مضيع يومك مضيع عمرك شيلوا الفيسبوك يا جماعة ما لو ش اي لازمة حافظوا على اوقاتكم وحافظوا على حياتكم اللي باقي من عمركم بعد ما شلنا منه كل الزيادات تلات سنين - [00:50:08](#)
اربع سنين هتدخلوا فيهم فيسبوك كمان السلام عليكم ورحمة الله وبركاته - [00:50:25](#)